

四庫全書

子部

欽定四庫全書

子部

本草乘雅半偈卷九

詳校官太醫院吏目周世泰

編修臣倉聖脈覆勘

總校官進士臣朱鈐

校對官中書臣吳甸華

謄錄監生臣周世芳

欽定四庫全書

本草乘雅半偈卷九

明 盧之頤 撰

別錄下品

鮫鯉甲

五靈脂

人尿

木瓜

櫻櫚

鈎藤

馬勃

牽牛子

昆布

鼠耳

白前

菹豆

稻

大薊
小薊 紅蘭
花 汨夫蘭附

唐本草

鬱金

薑黃

懷香

薄荷

三白草

劉寄奴草

毘麻

萊菔子

薰草

蘇方木

椿

樗同

山櫨

訶黎勒

無食子

騏驎竭

紫鉚

阿魏

醍醐

溺白堊

硃砂

孫思邈

犁酥

藥性本草

土茯苓

神麴

宋嘉祐

藿香

萱草

木賊

山慈姑

胡盧巴

海金砂

礞石

花乳石

水銀粉

附粉霜

婦人月水

別錄下品

鮫鯉甲氣味鹹微寒有毒主五邪驚啼悲傷燒灰服方寸匕

穀曰鮫鯉卽龍鯉石鮫魚穿山甲也形似鼉而小背似鯉而濶首似鼠而大胸腹有毛口中無齒尖喙長古四足五爪尾與身等腑藏俱全其胃獨厚穴陵而居以蟻為食日中張甲若死狀漏氣最腥誘蟻入其中函甲沒水出而啖之肉理美好閩人用以供饌永

州記云殺之勿近隄岸恐血入土遂令滲漏多能鄙
事云凡油籠滲漏剝甲裏肉鑿投之自至漏處補住
修治燒灰或炙以酥以醋以便或煎以油或炒以土
以蛤各隨方製取用尾甲尾甲三稜力最勝也

叅曰皮表甲冑如菱脊中介道如鯉因名鯪鯪似獸
穴居山陵可穿江河可越介甲之有神者別有吞舟
之鯪為鱗屬焉肺蟲曰介介者肝之榮筋之餘此木
秉金制金互木交是以勁毛堅甲專著皮表皮表者

肺之合也當入手太陰肺足厥陰肝以太陰肺為注經之始厥陰肝為環經之終故可出陰入陽穿經絡入藏府達病舍之所在閉塞者瀉之滲漏者補之如利如泣如漏如崩中滲漏之為患也如痺如癱如瘻如乳汁不通閉塞之為患也如五邪驚啼悲傷此屬肺輸化薄致金聲妄泄肝無乘制致魂失奠安在形藏歸滲漏在五邪屬閉塞瀉之以補之補之以瀉之有故而施者交互乘制兩無礙矣

別錄下品

五靈脂氣味甘溫無毒主心腹冷氣小兒五疳辟疫氣
治腸風通和氣脉療女子血閉

穀曰五靈脂寒號蟲所遺也寒冬號呼因名寒號說
文云有足之謂蟲裸毛羽鱗介之總稱故曰五靈脂
則以形舉也一名鷦鷯生北地極寒處五臺山中
最
多狀似小雞肉翅四足夏月羽毛五采自鳴曰鳳凰
不如我初冬毛羽脫落裸形如雛忍冬而號夜鳴曰

來朝造個窠旦鳴曰得過且過日出暖和月令云仲冬鷓鴣不鳴夜不號矣故寒號而陰剥號息而陽復夜號以待日出之為旦也餐以栢實先冬噉集穴居南向餐已而遺遺已而餐轉展化道形若凝脂氣甚臊惡修治取中心黑潤者佳雜砂石及未化者不堪入藥用酒研細仍用酒飛去砂土晒乾收用主治功力先人博議甚詳頤不更叅謹錄于左

先人博議云陽出陰入夏長冬藏寒號毛羽似之冬

既無表旋歸于內，髀不能飛，用遺作食出入數數實。彼脂膏又云：顧毛之有無為鳴之謙，傲求明處穢，自所不知，固候時之物，實警世之鑑。又云：髀形可冬腹心無冷矣。疔是食氣所積，疫乃天時所致。五靈出入化導，形與時違，唯知道利寧從閉塞乎？

別錄下品

人尿氣味鹹寒無毒，主寒熱頭痛，溫氣。童男者尤良。

穀曰：擇無病潔淨童子，先飲米飲數盃，去其濁穢，俟

清白無臭者取用之自溺亦可以服形藏大受其益
故一名還元湯一名輪迴酒

叅曰飲入于胃遊溢精氣上輸于脾脾氣散精上歸
于肺通調水道下輸膀胱膀胱者州都之官津液藏
焉氣化則能出矣固屬遺物仍可本其所自有益其
所自無也必擇陰平陽秘之童乃得必清必靜不則
難轉清涼地反作熱腦場矣

別錄下品

木瓜氣味酸溫無毒主濕痺脚氣霍亂大吐下轉筋不止

覈曰木瓜處處有之西雒者最勝宣城者亦佳山陰
蘭亭尤多也可種可接可就亦可枝壓木類之易生
者狀似柰而材極堅廣志云枝一尺有百二十節可
爲數號葉厚而光春末開花深紅色入夏綴實如小
瓜而有鼻乃花脫處非臍蒂也黃赤薄皮如著脂粉
香鬆津潤甘酸不瀉實中之子向裏頭銳而面方者

木瓜也形圓而小味木酸濇者木桃也大于木桃似
木瓜而無鼻蒂粗味苦濇者木李亦曰木梨即榱櫨
及和圓子也一種顆小微長味極濇者曰蔓子一種
實中之子如大麻味絕苦濇者曰土伏子餌之令人
目赤筋痛不可不辨故宣城人種蒔尤謹始成實時
剪鏃紙花粘貼其上霜後摘取花紋如生以充土貢
因有花木瓜之稱焉修治勿犯鐵器銅刀削去硬皮
并子切片晒乾黃牛乳汁拌蒸從已至未俟如膏煎

乃晒用也今唯切片晒乾力少味不全矣按大明會
典宣城歲貢烏爛蟲蛀木瓜入御藥局或取其陳久
無木氣耳

繆仲淳先生云木瓜得春生之氣稟曲直之化味酸
氣溫氣薄味厚降多于升陽中之陰為足太陰陽明
足厥陰肝經之體用藥也通行互斂有並行不悖之
功焉

先人云木實曰果草實曰蒴木瓜類蒴稟草木之全

氣者也性專甲拆而真氣從之故主諸痺脚氣濕傷
于下者取效甚捷

叅曰木瓜果蓏也綴本之瓜曰蓏蓏小瓜也釋木云
葉似柰實似蓏其枝可數一尺百二十節味酢善療
筋轉陶隱居云如轉筋時但呼木瓜名或指畫作木
瓜字病輒愈爾雅翼云枝堅可作杖策頗利筋膝根
莖煎湯淋足脛可以已癢蓋望說酢梅而蠲渴呼濯
木瓜而緩筋理固有相感則心之所嚮氣即交通矣

如磁運鐵珀拾芥雖凌空物障猶互為噓煖况無情
及諸有情者乎經云東方生風風生木木生酸酸生
肝肝生筋也木瓜枝節比筋酸津肝木達春升之自
下而上行痺閉下脚氣定霍亂生筋轉為象形從治
法也繫云艮為山為果蓏其于木也為堅多節

爾雅名楸郭璞云木實如小瓜酢而可食得木氣
之正者故名楸從林從矛諧聲也繼本之瓜亦曰
楸爾雅云其紹楸郭璞云繼本曰紹形小曰楸亦
曰蓏故近本之瓜常小近末之瓜轉大也

別錄下品

櫻櫚氣味苦瀉平無毒主瀉腸止瀉痢腸風崩中帶下
及養血

穀曰川廣甚多江南亦有初生時葉如白芨高三四
尺幹直無枝其端數葉四散岐裂葉色長青不凋每長
一節即作一層筋絡絲毛錯綜如織可作索綯及胡
床之藉經久不爛然歲必三剝否則不長三月木端
出黃色重苞此花之孕也俗曰櫻魚亦曰櫻笋五月
出苞便成花穗色黃白結實纍纍然生青熟黑甚堅

勒也

叅曰欂櫨草木之屬而非草非木亦草亦木草中之木木中之草也主治功力與菴藟相反菴藟能使留者泄欂櫨能使泄者留故名欂櫨門欂也欂門以成闔象者也

筋絡絲毛錯綜如織何等整密反使留者泄何也以所留之物不能條分縷析錯綜如織耳更觀木端數葉四散岐裂每長一層即作一節界域井然支分得所不與混淆留礙者反乎

別錄下品

鈎藤氣味甘微寒無毒主小兒寒熱十二驚癇

覆曰出建平秦中湖南湖北江南江西山中皆有之
狀似葡萄藤長八九尺或一二丈大如拇指而中空
折致酒甕中以氣吸之涓涓不斷莖間有刺宛如鈎
鈎色並紫赤古方多用皮今人多用鈎取其力銳耳
叅曰藤棘如鈎中虛而通離明之象借形以指事也
經云夏脉如鈎南方火也入通于心心藏血脉之氣
也則凡血脉之氣布隊十二經中或左或右或上或

下或支別絡屬交循并錯致十二驚癇為寒熱病者
咸可通之整之仍轉如環之無端耳更能以法廣之
釋之功力真無盡藏若僅療小兒是係小子失丈夫
矣

置酒甕中以氣吸之涓涓不斷者俗名過山龍不
獨能通十二經氣并行十二經水矣廣之以及支
別絡屬肉理筋膜
為用真無盡藏

別錄下品

馬勃氣味辛平無毒主喉痺重舌失聲久嗽頭面卒腫

崩淋吐衄除侵淫馬疥療癰疽久敗瘡瘍

覈曰生濕地及腐木上五六月卒然而發紫褐虛浮
宛如九鞠大者如斗重不過錢許彈之即有塵出一
名灰菰修治密室中置筐幃紙如洒金箱式張布襯
盤緩緩摩擦俟定收取否則揚塵飛去矣

叅曰馬勃之生也奇甚宛若野馬塵埃生物之以息
相吹也如闇亂晦蒙之眚字字有所妨蔽者卒然怒
作而旋放之旋放卒旋卷故旋開卒旋闔矣

別錄下品

牽牛子氣味苦寒有毒主下氣療脚滿水腫除風毒利小便

覆曰處處有之黑白兩種黑多野生白多種時二月生苗引蔓纏繞籬落高二三丈黑蔓有白毛斷之出白汁葉作三稜如楓樹葉花不成瓣微紅帶碧如旋覆鼓子花狀日出則開日西則萎實有蒂裹生青枯白核與棠棣子核一樣但色深黑耳白蔓無毛有柔

大腹及大腸風秘下焦鬱遏者卓有殊功倘屬血分或脾胃薄弱雖有痞積切勿取快一時也

叅曰牽牛子星名也何鼓謂之牽牛何鼓儋荷也故楚人呼牽牛曰儋鼓又星紀斗牽牛也牽牛斗者日月五星之所終始故曰星紀牽牛子者十二子丑為牛牛隱語也蓋天開子地闢丑黑白氣分為兩人生寅而三才具然則牽牛子者以開以闢以生之為功用也故祭星曰布布者取其象之布散也經云陽氣

者若天與日失其所則因于氣為腫四維相代形氣
乃絕是以氣上則升不布氣下則布不升牽牛子儋
荷布散以為功故可待越升以為耆弟性偏隕墮但
可施于形氣之陽有餘不可加諸藏神之陰不足為
用不可不慎也

花萼日出開曰西萎即日散為星之為象晝呼夜
吸之為用四維相代形氣乃絕為水為腫者此以
風毒為因水亦風水為水矣仍使之
升而布布而升互為制節無偏廢矣

別錄下品

昆布氣味鹹寒滑無毒主十二種水腫癰瘤積聚結氣
瘰癧

覈曰出南海及高麗新羅順流而生如手大似薄韋
紫赤色乾之搓如繩索柔輒可食也修治每片用甌
箒十個同剉細以東流水煮之從巳至亥待鹹味去
晒乾用

叅曰昆布即海藻之如綸者故一名綸布氣味功能
與海藻無別稍分淺深者隨所生淺深之異爾

別錄下品

大薊氣味甘溫無毒主女子赤白沃安胎止吐血鼻衄
令人肥健

薊曰生山谷卽虎薊也二月生苗高二三尺葉皺中
心出花其花如髻

小薊氣味甘溫無毒主養精保血

薊曰生平澤處處有之卽貓薊也俗名青刺薊二月
生苗僅一二寸作菜甚美四月發高尺餘而多刺中

心出花如髻亦如紅蘭花色青紫與大薊根苗相似
但不若大薊之肥大耳

紅蘭花氣味辛溫無毒主產後血暈口禁腹內惡血不
盡絞痛胎死腹中酒煎服主蟲毒多用破留血少用養

新血

開寶

薊曰出漢梁及西域今人家圃種矣冬月雨後布子
於爇地至春生苗脆嫩可食二月作葉色青綠形如
小薊五月開花色深紅形如大薊花下作棊彙生多

刺花出株上乘露米之米已復出至盡而罷株中結實如橘核搗煎其汁入醋拌蔬極肥而美修治搗揉片刻入水再揉用布袋絞去黃汁又搗更以酸粟米泔淘絞令乾用青蒿覆一宿陰乾收之

泊夫藍氣味甘平無毒主心憂鬱積氣悶不散活血以服令人心喜治驚悸

覈曰出西番回回國天花國卽番紅花也元時入食饌用張騫得種卽此今地性異則形質亦異矣

參曰大薊與續斷同類續斷生西川大薊生南地形
質功用因方土而有差別西方金位入通于肺肺主
氣續主益氣以續經脉筋骨藏真高于肺以行營衛
陰陽也南方火位入通于心心藏血薊主益血以續
經脉肉理藏真通于心心藏血脉之氣也顧續有繼
義致新推陳薊有解義推陳致新小薊與大薊同種
小主益精保血功惟致新紅蘭花兼氣與血推陳致
新氣主噓之血主濡之故爾洎夫藍偏通心藏以續

營氣致新推陳故主心憂鬱積氣悶不散以及驚悸
久服令人心喜

別錄下品

鼠耳氣味甘酸平無毒主痺寒寒熱止喘效療耳聾明
目

麴曰鼠耳卽茸母黃蒿香茅米麴無心草綿絮頭鼠
麴草也生平崗田間熟地二月生苗高尺餘莖肥葉
厚柔軟如綿表裏白毛茸蒙如鼠耳搗汁蜜和為粉

香美可口謂之龍舌料以壓時氣北方寒食亦用之
功勝白茅宋高宗詩云茸母初生認禁煙三月成穗
作花碎小黃綠如麴雜擗染衣雖敝猶鮮月令云衣
麴黃衣之色四月結子如粟楚人呼為米麴修治采
苗葉陰乾花實亦可用欸冬花為之使

叅曰十二子為鼠性多疑而竊視聽出穴每不果故
持兩端者曰首鼠耳者肺之候腎之竅也故主腎不
司竅為聾或精不貫瞳為瞽或痺閉不通為痺寒或

肺先是動為喘欬或後所生為寒熱蓋所生是動肺
高腎下猶持兩端間甚不果不獨以形肖併稱功用
矣

別錄下品
先為是動是動者氣先病也後為所生所生者血
後病也肺高象天腎下象水間則乍輕甚則乍重

絕
白前氣味甘微溫無毒主胸脇逆氣欬嗽上氣呼吸欲

覈曰生州渚沙磧上苗高尺許葉似柳或似芫根似

白薇或似細辛粗長堅直色白微黃折之易斷者白
前也細短柔靱色黃微白折之不斷者白薇也修治
用生甘草水浸一伏時漉出去頭鬚了焙乾收用腑
叅曰在色為白在藏歸肺矣前者坐而至不行而進
也當入手太陰陽明足陽明為治欬之君主藥經云
欬嗽上氣厥在胸中過在手太陰陽明又云白脉之
至也喘而浮上虛下實驚有積氣在胸中得之酒使
內也又云藏真高于肺以行營衛陰陽也不行焉則

為厥為積矣大明主奔豚及腎氣亦即下實上虛之
象乎然則白微功力三因並施藏腑咸入腠理皮毛
靡不前至蓋以功用為名也

黃帝問曰肺之令人欬何也岐伯對曰五藏六腑
皆令人欬非獨肺也帝曰願聞其狀岐伯曰皮毛
者肺之合也皮毛先受邪氣邪氣以從其合也其
寒飲食入胃從肺脉上至于肺則肺寒肺寒則內
外合邪因而客之則為肺欬五藏各以其時受病
非其時各傳以與之人與天地相參故五藏各以
時治時感于寒則受病微則為欬甚則為泄為痛
乘秋則肺先受之乘春則肝先受之乘夏則心先
受之乘至陰則脾先受之乘冬則腎先受之帝曰
何以異之岐伯曰肺欬之狀欬而喘息有音甚則

唾血心欬之狀欬則心痛喉中介介如梗甚則咽
腫喉痺肝欬之狀欬則兩脇下痛甚則不可以轉
轉則兩胠下滿脾欬之狀欬則右胠下痛陰陰引
肩背甚則不可以動動則欬劇腎欬之狀欬則腰
背相引而痛甚則欬涎帝曰六府之欬奈何安所
受病岐伯曰五藏之久欬乃移于六府脾欬不已
則胃受之胃欬之狀欬而嘔嘔甚則長蟲出肝欬
不已則膽受之膽欬之狀欬而嘔嘔膽汁肺欬不已
大腸受之大腸欬之狀欬而遺矢心欬不已則小腸
受之小腸欬之狀欬而失氣氣與欬俱失腎欬不已
則膀胱受之膀胱欬之狀欬而遺溺久欬不已則三
焦受之三焦欬之狀欬而腹滿不欲食飲此皆聚于
胃關于肺使人多涕唾而面浮
腫氣逆也右錄欬論以備參考

別錄下品

菟豆氣味甘微寒無毒主和中下氣

覈曰二月下種延纏籬垣間葉大如盃圓而有尖花
具紫白二色狀如小蛾有翅尾莢生花下凡十餘樣
或長或圓或如龍爪虎爪或如猪耳刀鎌種種不同
皆纍纍成枝白露後實更繁衍秋熟便不易生故一
名雪眉同氣一名涼衍豆俗訛爲羊眼豆亦形相似
也嫩時可充蔬菜茶料老則收子煮食子有黑白赤
斑四色入藥只取色白者莢殼雖厚子粒粗圓爲勝

耳

先人云菽水穀也秋成色白臭味甘芳有土金水貫連三藏之義故為和中下氣之品又云右遷而降自然暑息熱消渴除痢止矣

叅曰編諧扁門戶之文也若夏日在膚蟄蟲將去坏戶之象也諧禾嘉禾之菽水藏之穀也若冬日在骨蟄戶君子居室之象也觀永類鈴方立固將墮將破之胞胎則坏戶墮戶之義真不待言語形容矣

至化炎敲成清肅轉摧拉就容平更不待言語形容
矣若秋傷於濕此即秋金驟斂致中含濡濕耳仍順
以時降從微至著肺氣乃清此秋氣之應養收之道
別錄主和中即和中央長夏之土藉火土授受之際
斯金火亡刑乃得出而降降而入入復升升復出五
行均等運迭不竭又不待言語形容矣

轉夏成秋化炎敲成清肅此
即點火成金不煩另覓種子

別錄下品

稻氣味苦溫無毒主作飮溫中令人多熱大便堅

覈曰爾雅云稻者太陰之精含水沮茹乃能化也故米粒如霜性尤宜水是以周人別設稻人之官掌稼下地以豬畜水以防止水以溝蕩水以遂均水以列舍水以澮寫水以涉揚其芟作田而漢世亦置稻田使者以其均水利故也爾雅翼云稻一名稌然有黏有不黏者今人以黏者爲糯不黏爲杭然在古則通得稻之名說文云稻稌也沛國曰粳杭稻屬或作粳

是則直以稷為稻耳若鄭康成註周禮云稌稷也則
稻是稷然要之二者皆稻也故汜勝之云三月種秔
稻四月種秣稻字林云糯黏稻也秔稻不黏者今人
亦皆以二穀為稻若詩書之文自依所用而解之如
論語食夫稻則稻是秔月令秣稻必齊則稻是糯周
禮牛宜稌則稌是秔豐年多黍多稌為酒為醴則稌
是糯又稻人之職掌稼下地至澤草所生而種之芒
種是明稻有芒不芒者今之稷則有芒至糯則無是

通得稱稌稻之明驗也然說文所謂沛國謂稻曰稌
至郭氏解雅稌稻乃云今沛國稱稌不知說文亦豈
謂此稌訛為稌也將與郭自異義也又有一種曰秬
比于稌小而尤不黏其種甚早今人號秬為早稻稌
為晚稻蘓氏云稌亦曰秬亦未盡也又今江浙間有
稻粒稍細耐水旱而成實早作秬更硬土人謂之占
成稻云始自占城有此種宋真宗聞其耐旱遣以珍
寶求其種始植于後苑後在處播之按國朝會要大

中祥符五年遣使福建取占城禾分給江淮兩浙漕
并出種法合擇民田之高者分給種之則又在前三矣
叅曰稻為肺金之主穀生人之後天也顧性尤宜水
金胎水母也故五穀外別設稻人之官以掌稼下地
漢世亦置稻田使者以其均水利也蓋稻有二曰稌
曰秣秣者糯稌者秠秠不黏而糯黏比之秠小而尤
不黏者秠耳秣糯為酒秠秠為飴秠益殊多秠少遜
之故古者入藥之以秋秠耳是以秠主肺氣至若止

煩渴霍亂解毒消暑者蓋杭穀秋成已化炎歆為清
肅成功者寧不降心而退舍焉

唐本草

鬱金氣味辛苦寒無毒主血積下氣生肌止血破惡血
血淋尿血金瘡

覈曰原從大秦國及西戎來今蜀地廣南江西州郡
亦有不及蜀中者佳四月生苗莖葉都似薑黃末秋
後從莖心抽莖黃花紅質不結實根如指頂長寸許

體圓無枝芳香色黃橫紋宛如蟬腹也古者合玄柜以釀酒名之曰鬯周禮鬱人掌裸器凡祭祀賓客之裸事和鬱鬯以實彝而陳之浸水染衣色極鮮麗經久不變炙之微有鬱氣也

先人云金本尅木反為木用故名鬱金其輕達有金象其高遠似春暄

叅曰以鬱合柜釀之成鬯則酒色香而黃在器流動詩所謂黃流在中者是矣周人尚臭灌用鬯陰達于

九淵陽徹于九天故曰條暢于上下致氣于高遠所以降神也經云藏真高于肺以行營衛陰陽也設遇逆于中則萎暢于四支爲結爲積爲宿爲淋矣與香薷合其德略有異同香薷偏于衛與陽鬱金偏于營與陰將形藏彌玄府數幽門則一耳

拒者百穀之本鬱者百草之華合以成鬯上暢于天下暢于地無所不暢故天子以鬯爲費

唐本草

薑黃氣味苦溫無毒主心腹結積疰忤下氣破血除風

熱消癰腫功烈于鬱金

穀曰出西番及海南今江廣川蜀亦有根莖都類鬱
金其花春生與苗並出即綴根際色紅白入夏即爛
亦不生子葉如紅蕉長一二尺濶三四寸上有斜文
色亦青綠枝莖堅硬根盤圓扁似薑而小色黃有節
味苦臭重為別異也鬱金根形唯圓無旁枝紋狀蟬
腹黃赤轉深浸水並堪染色莪朮色白肉明亦無氣
臭言與同種者謬矣

叅曰花茁並出黃流在中宣木火之用奪土大之鬱者也蓋風為土所不勝木乘土中則黃中廢諸青成薑黃力行升出之機內風宣而外風息土用行而黃中理所謂吐生萬物而土鬱奪矣固功力烈于鬱金鬱金洩金鬱薑黃奪土鬱為別異耳

唐本草

懷香氣味辛平無毒主諸癰霍亂及蛇傷

葢曰深冬宿根再發叢生似蒿細葉整密嫩綠似藻

五六月開花頭如蓋似蛇床花而色黃結子似麥粒粒有細稜質頗輕浮俗呼小茴香所在雖有寧夏者稱第一番舶者子大似栢實裂成八瓣一瓣一核核似豆黃褐色臭轉芳味轉甘俗呼八角茴香廣西左右江峒中亦有之形與中原者迥別第氣味相同北人得之咀嚼薦酒入藥最良修治隔紙焙燥研極細八角者去梗及子修治同

先人云深冬生苗有來復義葉絲整密有肌腠義合

入心脾爲心脾用藥也然以冬藏之生物稟辛溫之氣味并可入腎宜乎偏向于右

叅曰長至宿根再發効純乾剥落至復而一陽始生因名懷香說文云本有去意回來就已也故主陽消而陰剥者歸乎歸乎盈吾懷乎

大海洋洋水所歸
高賢愉愉民所懷

唐本草

薄荷氣味辛溫無毒主賊風傷寒發汗惡風心腹脹滿

霍亂宿食不消下氣煮汁服之發汗大解勞之亦堪生食

穀曰薄荷多栽時亦有野生者莖葉氣味皆相似也
經冬根不死二月抽苗清明分株排種方莖赤節綠
葉對生初則圓長久則葉端漸銳似荏蕪薺寧輩夏
秋采取日曝令乾先期灌以糞壤雨後方可刈收不
爾氣味亦不辛涼矣吳越川湖以之代茗唯吳地者
莖小葉細臭勝諸方宛如龍腦即稱龍腦薄荷江右

者莖肥蜀漢者更肥入藥俱不及吳地者良陳士良
食性本草稱菰藁楊雄甘泉賦稱菰菰菰呂忱字林稱
菰苦孫思邈千金方稱菰荷名雖廣當遵唐本薄荷
為正綱目言薄荷係俗稱此未解釋名之意耳一種
葉圓小如錢稱金錢薄荷一種葉微小耐霜雪至冬
莖葉純紫生江南山石間稱石薄荷一種胡薄荷形
狀與薄荷無異但味小甜多生江浙俗稱新羅薄荷
今汴雒僧寺多值之天寶單方稱金錢草者是也同

薤作薤清爽可口瘦弱人久食之動消渴新病瘥人勿食之令虛汗不止貓食之醉陸農師云薄荷貓酒也

先人云氣溫性涼具轉夏成秋為高爽清明之象則氣有餘自與薄弱虛寒陰營不足者不相類也第氣象燥金儻陽明之上為病併在所忌

叅曰木曰林草曰薄荷者疾驅荷者負荷而驅也詩言載驅薄荷顧名思義方之奇方急方也味辛氣溫

稟辛金用驅賊風表汗出開上焦宣穀味于是宿食
消脹滿解霍亂定煩勞之張精續劑之宣劑輕劑也
通關格歷關節去憤氣却腎氣徹風涎療陰陽毒破
血止利利咽喉口齒頭目治療癰癰疹瘡瘍皆生于
風者取効甚捷更詳竒急宣輕之義靡投不善矣

煩勞則張精絕仍使之相續不斷唐本曰勞乏省
却四字矣晉註破句讀之煩勞則張作句精絕作
句徒務多聞每
有立言之失

唐本草

三白草氣味甘辛寒有小毒主水腫脚氣利大小便消痰破癖除積聚消疔腫

葢曰出荆襄所在亦有生田澤池畔間高數尺六七月莖間三葉先白後綠一葉白其旁遂開花成穗如蓼花狀色白微香結子細小根長而白虛軟有節根間白鬚宛如蒲根根汁洒搜麥麴造麴釀酒已濕消暑色香味殊勝也制雄黃伏南鉛乾砂汞

叅曰弘景云葉上有三白點因名三白蘓恭云葉上

有三黑點非白也古人秘之隱黑為白耳藏器云初生無白入夏葉半白如粉農人候之蒔田三葉皆半白則草便莠故謂之三白時珍云八月生苗四月其巔三葉面白三青變三白變餘則仍青而不變也故葉初白食小麥再白食梅杏三白食黍子此皆未識三白形色者也頤家植此草于庭前者二十餘載每見三月生苗葉如薯葉而對生小暑後莖端發葉純白如粉背面一如初小漸大大則葉根先青延至葉

尖則盡青矣如是發葉者三不再葉而三莠花穗亦
白根鬚亦白為三白也設草未莠而削除之或六七
月或八九月雖重生苗葉亦必待時而葉始白月令
小暑後逢三庚則三伏所以避火刑以全容平之金
德三白草不三伏白而三顯白轉以火金相襲之際
化炎敵為清肅此即點火成金不煩另覓種子者是
也故主夏傷于暑而出機未盡秋傷于濕而降令過
急者兩相宜耳

唐本草

劉寄奴草氣味苦溫無毒主破血下脹止痛治產乳餘疾止金瘡出血極効

覈曰出河中孟州漢中滁州江南越州所在亦有春生苗高二三尺一莖直上葉似蒼朮葉尖長糙濇面青背白九月莖端岐分莖穗每莖攢簇小花十數朶黃包白瓣宛如秋菊經三四日花心折裂如絮隨結實絮實都如苦買也修治揀去莖葉只用子粗布拭

去薄殼酒拌蒸從巳至申暴乾用

叅曰劉寄奴古方罕用唐本草始附隰草部按李延壽南史載宋高祖劉氏小字寄奴少未遇伐荻新州見大蛇射中遂返次朝再往聞榛林中作杵臼聲尋之有青衣童子攢衆搗藥訊其故曰我主為劉寄奴所中搗此以療之曰胡不見殺曰寄奴王者不可殺也叱之盡散遂收其藥每塗金瘡輒愈因稱此草為劉寄奴鄭樵通志云江南人因漢時謂劉為卯金刀

乃呼劉為金又稱此草為金寄奴字說云劉誅殺也
寄附託也奴執事也顧主治證形似悉假血氣附託
以為執事者功能剖裂而入破之即所以誅殺之矣
命名之義或取諸此

唐本草

昆麻氣味甘辛平有小毒主治水癥以水研二十枚服
之吐惡沫加至三十枚三日一服瘥即止風虛寒熱身
體瘡痒浮腫尸疰惡氣取油塗之

覈曰原從胡中來今在處有之北地尤多夏月生苗
有赤有白一莖直上高丈餘間節如甘蔗中空如赤
箭葉似葎草及瓠葉葦肥厚而大一葉五尖夏秋之
間極中抽穗黃花纍纍每穗作子數十顆柔刺如蝟
凡三四子合成一顆枯時劈開狀類巴豆又類牛蛭
青黃斑褐間雜可觀殼中有仁嬌白如續隨子仁中
之油可調印色每用去殼淨仁五升搗極細以水一
斗煮之有沫撇起沫盡乃止遂用文火煮熬其沫水

去澄清上無氣升油即成矣傾磁器中冷定則凝結
如脂經久不變修治勿用黑天赤利子顆外無刺兩
頭尖子無斑點誤服有大毒凡使蓖麻子鹽湯煮半
日去殼及衣取中仁研細用有啖蓖麻一生不得食
炒豆者犯之作脹而死豆為腎穀蓖通胎息天真不
足者轉致氣泄耳伏丹砂霜粉死鉛汞成金

紹隆王先生云蓖麻力長收吸故能拔病氣奪有形
多從外取不繇餌服良有見也

先人云龜麻胚兆先一陰而始生以陰為內氣之主
轉陽為形外之固賦形唯二至之間生長在蕃秀之
季綴子于來復之初故餌之何處非生陽之地何形
非生陽之物內有陽氣人不須入腹磕着撞着生陽
遂聚死陰立消迅速敏捷如鼓應桴

叅曰命名之意亦奇主治功力亦異着凶起痔握掌
催生左風頭置之右右風頭置之左摩頂天柱豎傳
踵胞孚下至若納舌闢竅解喉疎肌收子腸消腳氣

及主剝骨留血物滯水瘕疽瘍臍腫尸疰丹瘤與夫
喎斜偏癱舛錯關機宜餌宜塗宜熏宜窒者莫不如
鼓應桴捷于影響故髑者人臍上從凶凶取通氣會
奇脉于巔下從比比取輔氣交偶脉于踵麻者大鼗
羣陰之長也夏有足鼓置鼓于趺殷有楹鼓貫中于
柱周有縣鼓植篥簾而懸之上皆鼗也顧名思義則
知聲氣相通左右逢源之為用矣

髑者人臍胎兒之息以臍也凶取通氣會奇脉于
巔至人之息以凶也比取輔氣交偶脉于踵真人

之息以踵也。楹鼓以喻鼃縣鼓以喻鹵足鼓以喻踵。三息並行三鼓齊擊是真以鼓應桴。攄于影響。

唐本草

萊菔氣味辛甘平無毒主下氣消穀和中去痰癖肥健人根汁尤良

覈曰萊菔菰菜也似蔓菁而稍大舊說北種菰菜初年半為蔓菁二年菰種都絕蔓菁南種亦然蓋菰之不宜于北猶橘之不踰于淮今則南北俱有矣爾雅云苞突蘆菔孫炎註云紫花菰也南人呼秦菰吳人

呼楚菰魯人呼菰蘧秦人呼溫菰北人四呼之春曰
破地雖夏曰夏裏生秋曰蘿蔔冬曰地酥杜詩曰土
酥蒙古曰篤魯馬唐本曰萊菹萊菹者蘇餅之所服
此亦就文取義耳今遵唐本為正性喜燒土隨地可
植夏末布種秋末刈苗冬末采根春末抽莖高五七
尺開紫碧色花夏初結角子如大麻實圓長不等色
黃而赤遂可布種葉大者如蔓菁細者如花芥表裏有
茸毛根色有紅白根形有大小長短圓扁粗滑上銳

下尖細腰巨腹岐尾叉頭有鬚無鬚之別小者如拇
指大者滿一秤重者十百觔或因種變或隨水土大
率沙壤者肥甘而脆瘠地者堅苦而辣可生可熟可
俎可醬可菽可醋可礮可腊可飮可羹蔬菜之最有
益者與地黃同食令人髮白多啖動氣薑能制之伏
礪砂乾鉛汞

叅曰徧歷四時具備五氣有松之操有芥之烈三焦
咸輔五液並行氣中之用血中之氣也其根白其味

辛其皮革稟從革之金象故力服棘刺

前人只說得箇有松之操更參出箇有芥之烈何等親切唐本只闡得箇上焦開發宣五穀味熏膚充身澤毛若霧露之溉更參出箇三焦咸轉五液並行氣中之用血中之氣方纔盡得箇命名氣味主治功能的大意古人用汁今人用實錄此觀之汁勝實矣

唐本草

薰草氣味甘平無毒主明目止淚療洩精去臭惡氣傷寒頭痛上氣

葳曰薰香草一名蕙與藹反南越人謂之燕草宋開

寶謂之零陵香出零陵山谷湖廣諸州皆有多生下
濕地入春宿根再發葉如羅勒又似麻葉兩兩相對
七月開花八月收刈可授可佩可薦可熏雖至枯槁
香猶芬馥山海經云浮山有草麻葉而方莖赤華而
黑實氣如薜蘿可以已癘爾雅翼云蓋能去惡臭令
身香故古之祓除以此草熏之所以降神也埤雅云
凡氣熏則惠和暴則酷烈故于文蕙草為惠近世皆
指菅茅一幹數花者為蕙一幹一花者為蘭即詩書

家亦多引用竟不知是為何草徒尚其名而迷其實
皆此類也離騷辨證云古之蘭蕙花葉俱香燥濕不
變今之蘭蕙花萼雖香乾則腐臭蘭唐蕙圃受誣以
矣

先人云赤華有通神之德黑實具幽隱之情腎藥而
得心用者也乃能交精神散寒風達生氣耳

叅曰天子鬯諸侯薰鬯用灌薰以香自燒故薰諧熏
熏者火煙上出也顧藏真之自下而上者肝木春生

之氣耳是主春氣者病在頭不能積續以升致上下
失于敵應者相宜觀魚涉負水則知下上之為義矣
紹隆王先生嘗言少陽之始生如香煙之始發輕
虛而浮端直以長故立春初候曰魚涉負水魚隨
陽氣而上涉至
背負水而乃止

唐本草

蘇方木氣味甘鹹平無毒主破血產後血脹悶絕欲死
者水煮五兩取濃汁服

麋曰出南海崑崙樹似青槐材似赤降中心有橫紋

似紫角者號木中尊功力倍常百倍也修治去粗皮并節剉極細梅枝搗爛同拌蒸之從已至申陰乾用用染絳色見鐵器則色黯不鮮

先人云蘇有疎暢義方有不動義具厥陰風木之才非分崩離圻之比

叅曰死而更生曰穌賦形有嘗曰方東方之行曰木木以色勝當判入肝肝之心藥肝之血分氣藥也肝主色自入為青入心為赤肝藏血心藏血脈之氣也

故主血中諸青悶絕欲死者功能屠絕鬼氣蘇醒人
魂一名屠蘇者以此

唐本草

椿樗氣味苦溫無毒主瘡疥風疽疔蟲煮汁飲之樗木
根葉尤良

覈曰椿樗二樹南北皆有形並相似但椿木皮細肌
實而赤嫩葉香甘可茹樗木皮粗肌踈而白莖葉臭
惡不可茹二三月木端作葉嫩紅老綠有花無莢者

椿有莢無花者樗幹枝端直者椿迂矮者樗莊周所謂其木攢腫不中繩墨其枝拳曲不中規矩者樗也秋深落葉脫處有痕如虎眼樗有小毒椿葉無之修治椿根以不近西頭者為上采出拌生蔥蒸半日剉細盛挂屋角南畔陰乾用

叅曰椿樗同種材臭異形者牝牡有別耳樗孕莢者牝椿無莢者牡故椿體木性之直樗體木性之曲曲直仆偃木體之全性現矣故始區芽櫟直折者萌曲

生者句枝幹已成曲直仆偃四體始備直無仆偃曲則兼有是以椿木體直精專枝葉樗木體曲精專根皮誠肝木之體用藥也椿益皮膚毛髮正肝以能生為體榮華為用樗益血氣陰竅正肝以藏血為體疎洩為用內而腸風已崩帶除滯痢行癰閉利遺濁清神安志悅外而瘡瘍淨癰疹消疔毒解好顏媚色以及四體百骸不言而喻至若疳蠱蠱毒傳尸鬼注而與物為春殺厲之氣暖然齊春仁之潔椿樗之為用

溥矣

唐本草

山植氣味酸苦甘微寒無毒主瘰癧瘡利小便去痰熱止渴令人少睡有力悅志

覈曰出南山高原所在亦有樹高數尺古拙可愛枝有叢刺葉有五尖三月開花五出碎小色白綴實似林擒而小有黃赤二種霜後乃熟核似牽牛子色褐而堅一種實大而赤甘酸可口名曰棠棣唯供食料

修治蒸過晒乾臨用再蒸去核焙燥研細用

先人云味酸似甲便能下行故得止痢定疝然去發
陳未遠激之立轉生榮

叅曰宣氣散生曰山虎之不柔虎食剝殘曰櫛危氏
曰猴櫛唐本曰赤爪各以功力形狀為名也癰瘡疹
痘痞滿癥瘕血凝結固皆血中痺乃以柔承剛飲痺
食宿狐癩疝蠱氣壅留僻皆氣中痺乃以剛承柔皆
非所據而據之第木實而酸宜輔肝體宣氣散生則

偏有餘于用矣用行必氣上而忘返令人不寐而嘗
惺經云譚說醋梅口中酸出味過于酸肝氣已津需
渴倍力則志悅矣

唐本草

訶黎勒氣味苦溫無毒主冷氣心腹脹滿下食

覈曰出波斯今嶺南廣州亦有之本似木櫨開白花
作實似庖子橄欖狀色青黃皮與肉相着七八月成
熟具六路肉厚者佳修治勿用毗黎勒個個毗頭者

是也若訶黎勒實稜只有六路或多或少者並是雜路勒圓而文露或八路至十二三路號榔精勒濇不堪用爲害殊甚也凡使酒浸六時蒸六時刀削去路用肉則去核用核則去肉並剉焙用

叅曰訶謹也黎衆也勒堅柔難斷也味大苦氣大溫對待冷氣在心腹致脹滿食卒不得下變生腸辟喘急腸風崩帶奔豚霍亂痰涎膠固堅柔難斷者謹之斷之少陽膽腑決斷藥也

唐本草

無食子氣味苦溫無毒主赤白利腸滑生肌肉充血氣
安神長鬚髮生精長年

穀曰無食子即沒石子生西戎沙磧間樹似檉波斯
國呼爲摩澤樹高六七丈圍八九尺葉似桃而長三
月開花白色花心微紅子如金彈蟲食成孔者入藥
最良但其樹一年生拔屢子大如指長三寸中仁如
栗大食國者一年生蒲盧子圓扁亦如栗大寸許中

仁俱可食次年生無食子彼國呼爲麻茶澤間歲互生一根異產如十千之合化剛柔之往隨也修治毋犯鐵器併被火驚用顆小無枚米者炒以漿水砂盆研令盡焙乾再研如烏犀色爲度

叅曰食宿飲留乃成痢滑無其食滑痢已矣味苦氣溫對待治之推陳致新物也新至氣斯充肌肉滿七神安奉髮美毛精生形駐矣所謂有餘而往不足隨之不足而往有餘隨之太過不及于斯見矣蟲食有

孔者良具體無竅者所當佩服

唐本草

騏驎竭氣味鹹平無毒主心腹卒痛金瘡血出破積血止痛生肉去五藏邪氣

麋曰生西湖大倉諸國今廣州亦有樹名渴留高數丈畧似沒藥樹婆婆可愛皮木俱赤而堅葉亦畧似櫻桃葉而黃赤木中有液流出如松脂久則堅凝成竭色赤如血一名紅竭以火燒之赤汁涌出灰不色

變者爲真一種海母血形真相似只是味鹹腥臭騏
驎味鹹微甘臭似梔子爲別也修治另研如麈尾過
用若同別藥搗化作塵飛矣

先人云血乃精專之物竭爲迭運之稱有起亟義有
堅固義有更始不窮義河間稱爲血中之聖真不虛
矣

叅曰畜生午稟火氣而生者馬其舉負捷驅運迭不
竭者騏驎也故良馬之貞比之麒麟麒麟行不越規

止不踰矩騏驎之行止肖馬有指白馬而脊黑者曰
騏驎是色取而行止失矣此轉釋假喻以詮名表功
力耳當入心爲心之體藥用藥心乃火藏也經云藏
真通于心心藏血脉之氣如環無端終而復始則凡
血脉之氣失于捷驅竭于運迭行越規止踰矩者仍
使之行循規止蹈矩猶夫騏驎之舉負捷驅運迭不
竭也

木之有脂如人之有血渴留精惟脂厥色惟赤
燒之灰色尤赤可爲至死不變矣乃得奉心化赤

獨行經隧
莫貴乎此

唐本草

紫鉚氣味甘鹹平有小毒主五藏邪氣金瘡帶下破積
血生肌止痛出痘毒與騏驎竭大同小異

覈曰段成式酉陽雜俎云紫鉚樹出真蠟國彼人呼
爲渴稟又名勒佉亦生波斯國樹高盈丈枝葉鬱茂
宛如橘柚木液都赤經冬不凋三四月開花白色不
結實天有霧露及雨沾濡則枝條出鉚狀如糖霜纍

紫赤破則鮮紅用造赭枝作婦女面飾

先人云色赤味鹹而如液入血分無疑矣還可堅充其類第屬形外物施于痘不作漿或皮薄欲損血溢于外者象形從治之

紹隆王先生嘗與頤言男女媾精姪欲之毒遂舍胞胎伏藏兩腎蓋痘之始發也如春氣之升行漿也如夏氣之出回合也如秋氣之降剝落也如冬氣之入舉世但知始發之欲透未知毒化之成漿猶為切要

何也如去滓純水必清必靜全賴此耳否則仍含毒
種復歸兩腎生死存亡變生不測矣紫鉚固爲解毒
之要品但可用于化毒之際不可施于始發之期更
有毒未化而漿不行反舍鉚液之橫徧預投保元之
降藏雖不顧媯毒之不攘獨不念六淫之未散乎願
言珍重珍重

叅曰紫鉚渴稟木液也承霧露之陰液液溢葉表而
鍾鉚若垂枝布葉萬物之所以盛長南方火象耳故

渴者盡其所需稟者受命自天紫者木液之赤呈陰而水色間之鉚者金膚効三陽淪膚而至極三陰膚受而容平流于四藏而邪逐五經並行而帶已血積破肌生而痘毒出矣蓋毛膚者金肺之形藏也因于邪使人毫毛畢直皮膚閉而受之以次相傳遞侵四形始必繇于膚終必從于膚耳固與麒麟竭大同而小異較其所自始小同而大異鉚屬液溢葉表竭屬液流趺踵爲迥別也

合麒麟竭。叅功力始備。竭則行中止。
卸則止中行。行止止行。大須料簡。

唐本草

阿魏氣味辛平無毒。主殺諸小蟲。去臭氣。破癥積。下惡
氣。除邪鬼。蠱毒。

覈曰。出西番及崑崙。今雲南長河中。亦有與舶上者。
氣味雖相似。只無黃色耳。苗葉根莖。酷似白芷。或如
草。或如木。此風土不同。稟質則異。咸屬草類。非有草
木兩種也。同根搗汁。暴令乾者。次之。體氣極臭。婆羅

門謂之薰渠又謂之哈昔泥故西國持咒人則禁食
戒人則嘗啖謂能止臭猶巴人之重負礬也元時用
充食料根名穩展用淹羊肉轉更香美盛暑亦不色
變修治乳研極細熱酒器上裹過用

叅曰諺云阿魏無真言多偽也雷公驗法有三一以
半銖置銅器中經宿着處永如銀色一以一銖入五
斗草自然汁內次早盡作鮮血色以一銖致柚子樹
上其樹立乾驗此三法不唯真偽判然功能亦昭然

顯著矣謚法稱克威健行曰魏亦巍然獨立貌也阿
倚也衡也上倚下以取平權輕重度長短故主諸疾
倚之各取其平偏于幽獨揜昧者功能捷如影響第
臭惡特甚巍然獨立而世無偶故君子必慎其獨

極臭之物當與極香同旨故得以臭
止臭如入五濁惡世轉作香積國土

唐本草

醍醐氣味甘冷利無毒主風邪痺氣通潤骨髓可爲摩
藥功勝于酥

覈曰用酥一石煉貯器中待凝定穿中至底久之則
津津溢出冬不凝夏不融者是也第性滑易走惟貯
壺蘆雞子殼內方不透出但不易得一石僅取十合
耳

叅曰乳出酪酪出酥酥出醍醐醍醐上味也功力與
犛酥等用犛酥出醍醐當成無上味醍醐力透貯器
犛酥追逐風毒發出毛孔間似同而力更勝蓋坤為
牛即此可徵至柔而動也剛主治功力不必更加註

脚矣

釋典嘗以醍醐喻無上道
服食者當成希有功力矣

唐本草

溺白堊氣味鹹平無毒主鼻衄湯火灼瘡傳尸肺痿

數曰滓淀爲堊人溺澄結所成也歲久之器有厚寸
餘者取置磁盤內露高潔處越一二載中外皆白絕
無氣臭者乃可用研極細水飛數過再研萬匝如仍
有惡臭隨泡隨飛約數百遍以無臭爲度煨滓者精

粹盡失轉增火毒不堪用也

叅曰溺白曰埜藉塵埃沒溺所集也故物入陰中色
剥爲白陰中之陰矣入手太陰肺足太陰脾緣精與
氣原從脾肺氣化之中遊溢轉輸是以仍歸脾肺爾
力倍于溺者白作潤下鹹還可水濟火埜集塵埃土
復可土承水亢則害承乃制制則化生矣

唐本草

硃砂氣味鹹苦辛溫有毒主積聚破結血止痛下氣療

欬嗽宿冷去惡肉生好肌爛胎亦入驢馬藥用

麝曰出西戎今西涼夏國及河東陝西近邊州郡亦有然西戎來者顯瑰光明大者如拳重三五兩小者如指面入藥最緊邊界者雜碎如麻豆粒頗夾砂石雖可水飛澄去入藥則無力矣修治水飛去塵穢入瓷器中重湯煮乾以殺其毒或用黃丹石灰作櫃煨亦使用亦無毒矣麝云礪過赤鬚頰留金鼎權云柔五金消八石可作錐藥抱朴子云牡蠣海螵蛸晚蠶

砂羊髓骨河豚魚膠魚腥草萊菔獨帚卷柏羊蹄商
陸冬瓜羊躑躅蒼耳烏梅皆可伏硃設中硃毒生萊
豆研汁飲一二升可立解畏酸及漿水忌羊血

繆仲淳先生云硃砂稟陰毒之氣陽毒之精腐人腸
胃化人心血其毒之猛烈如此誠可畏也

叅曰硃從凶石聲取通氣以為量一名氣砂其為性
至透濕即水化滲洩而走矣一名透骨將軍張匡鄴
行程記云高昌北庭山常有煙湧而無雲霧夕則光

焰若炬火炤見禽鼠盡赤謂之火焰山中有硃砂土人乘屐采之若屐底爲皮革者即焦敗矣一名火砂故性秉火毒對待宿冷糜化有形者也時珍云硃砂亦消石之類乃鹵液所結出於青海與月華相射而生附鹽而成質者故可投諸藏陰之屬若止痛下氣療欬嗽謂其氣結則痛積聚則氣不下矣經云欬逆上氣有積氣在胸中也倘屬虛無爲害彌篤慎勿以藥試病耳

孫思邈

犛牛酥氣味甘平無毒主去諸風濕痺除熱利大便去宿食

覈曰製造之法一同牛酥

叅曰犛牛酥功勝牛酥者謂犛毛長而尾尤佳用以作纛旌旗奉為指麾也故主氣無師帥致風濕合閉成痺與榮飪滯利之邪留癖腸腹間者非此開闢未易隕滌耳亦可作營血司命整肅經隧以禦外侮并可

定府藏之決躁形氣之臃瘁生生編云主腹內塵垢
追逐毒氣發出毛孔間此剪滅不格之非我族類也

藥性論

土茯苓氣味甘淡平無毒主食之當穀不饑調中止洩
健行不睡健脾胃強筋骨去風濕利關節止洩瀉治拘
攣骨痛惡瘡癰腫解汞粉銀硃毒

叢曰生楚蜀閩浙山箐及海畔山谷中蔓生如蓴莖
有細點葉類竹濶大厚滑長五六寸根如菰莖而圓

小者似卵大者似拳連綴而生遠不及尺皮似茯苓色有赤白肉似芋薯味兼甘澆亦可生啖入藥以白色者爲良東山經云鼓證之山有草焉名曰榮莫其葉如柳如竹其本如卵如拳食之已風恐即此也一名禹餘糧一名石餘糧冷飯塊忌茗及豆

叅曰土茯苓者九土之精氣所鍾也一名石石以量言一名禹績平水土有如神禹言餘糧者食之當穀不饑耳味甘淡氣平和性無毒故主調中止洩黃中

通理之爲用乎若健行不睡強筋骨治拘攣利關節
此陰以陽爲用應地無疆自強不息矣若姪瘡癰腫
侵淫筋骨以耽姪人火熾水涸六位之下藉土承之
承則化化則腎火歸而腎水溢矣

藥性論

神麴氣味甘辛溫無毒主化水穀宿食癥結積滯健脾
暖胃

麴曰葉氏水雲錄云五月五日或六月六日或三伏

日用白麴百觔青蒿汁三觔蒼耳草汁野蓼汁各三觔赤豆末杏仁泥各三升用汁和麴豆杏末作餅麻葉包罾如造醬黃法布帛密覆俟冷黃衣生取出日晒燥之陳久者良

叅曰候八神置會之期集七神司生之物鬱之造麴使衣生朽敗塵華青黃色也周禮所謂麴衣月令所謂衣麴桑黃之服也易通卦驗云八神者樹杙于地四維四中引繩以正之故欲置八神者冬至陽生之

日樹八尺之表于地中蓋以陽為神陰為鬼亦氣之伸者為神氣之屈者為鬼也人身五藏有七神藉中黃生陽之氣為奠安乃得神與形俱七情發而皆中節斯陰屈遁藏根塵洞徹濟弱扶傾運迭樞機如環之無端耳設生陽少息不惟神失奠安且變生不測矣神翹藉神木所司之穀曰麥謂木即生陽之首兆麥即五氣之先機佐以七神司生之物鬱之成鬯伸之暢之鼓中黃之生陽安五藏之七神正所以成其

始即所以成其終其所以成其始即所以成其終者
以一神而會七神一藏而叶五藏乃得成其始復得
成其終否則偏廢而離敗矣諸家陳列功力即藉中
黃生陽之氣敷布化育宣五穀味開發上焦成陽出
陰入之為體為用耳倪維德以之主療目疾即洞徹六根
六塵之一塵一根耳又云生用能發其生氣者即肝
得水而沉熟用能斂其暴氣者即肝得煮而浮以麥
即肝藏之主穀肝主開竅于目故也顧浮沉互用之

樞機即生殺敵應之關鍵耳

貽我粦粦帝命率育繼絕續乏之穀也必候八神置會集七神司生誠濟弱扶傾運迭樞機之良劑也

宋嘉祐

藿香氣味辛微溫無毒主風水毒腫去惡氣止霍亂心腹痛

覈曰藿香出交趾九真武平興古諸國吏民多種之今嶺南頗饒所在亦有二月宿根再發亦可予種苗

似都梁方莖叢生中虛外節葉似荏蕪邊有鋸齒七
月擢穗作花似蓼房似假蘇子似荒蔚五六月未擢
穗時采莖葉曝乾可着衣中用充香草踰時則性緩
無力矣潔古東垣惟用藿葉為能敷布宣發後世因
藿葉多偽并枝莖用之今枝莖尤多偽耳唐史云頓
遜國出藿香挿枝便生葉如都梁范曄云零藿虛燥
芬芳之氣經久不變

先人云氣亂于腸遂作霍亂致亂正氣者惡氣耳藿

虛燥芬馥具不逆不撓入羣不亂義乃可立定其亂
因名曰藿方之奇方急方劑之宣劑輕劑燥劑也

叅曰南嶽曰霍假之標方域表功能也本草列釋典
名相如楞嚴之兜婁婆香法華之多摩羅跋香金光
明之鉢怛羅香涅槃之迦算香皆藿分名木本也即
扶南國所言五香共一木根旃檀節沉香膠熏陸花
雞舌葉藿香者是矣正旦所須草本也即南方草木
狀所載之生成而嶺南尤多有之詩云食我場藿香

草也蓋草木至南曰任任化育而于時為夏域其方
者功能更忽霍而迅疾矣是主霍疾亂作于俄頃揮
霍紛紜其如搖反諸手若去惡氣為對待治風水毒
腫為達木止心腹痛及壅腫為發火定吐逆蘇脾胃
為奪土土鬱奪之火鬱發之木鬱達之正所以任化
育而於時為夏為正位四氣主命曰藿香正氣者以
此

應劭風俗通云南方衡山一名曰霍霍者萬物盛
長垂枝布葉霍然而大誠所謂任化育而于時為

夏為大○草木至南曰任相見乎離也大
人以繼明炤于四方宜為正位四氣主

宋嘉祐

萱草氣味甘涼無毒煮食治小便赤澁身體煩熱陰熱
酒疸

覈曰萱宜下濕地處處田野有之初春叢生可作薦
俎葉如蒲蒜而柔弱新舊相代四時長青五月抽莖
開花六出四垂朝放暮薦秋深乃盡花有紅黃紫三
色結實三角子如梧子黑而光澤

叅曰爾雅翼云詩曰焉得諼草言樹之背諼忘也衛之君子行役為王前驅過時不及其婦人思之則心痠首疾思欲斲忘之而不可得故願得忘憂之草而樹之庶幾漠然而無所思然世豈有此物也哉蓋亦極言其情耳說者因萱音之與諼同也遂命萱為忘憂之草蓋以萱合其音以忘合其義耳然忘草可也而所謂忘憂憂之一字何從出哉此亦諸儒傳會之語也頤謂憂出于肺情之所鍾忘之所悲神之所傷

也是以憂悲則鬼藏之金鬱經云金鬱則泄之所以
忘其憂也而萱諧宣宣布也散也通也徧也風回宣
而所以宣陰陽也宣之即所以泄之泄之即所以暢
之暢之即所以忘之忘之則既順乃宣而憂可釋矣
顧煮食主小便赤澁身體煩熱即疏云金鬱則泄之
解表利小水也然則草木之情布在方策人未之思

爾

宋嘉祐

木賊氣味甘微苦無毒主目疾退翳膜消積塊癥瘕益肝膽療腸風止痢及婦人月水不斷崩中赤白

覈曰出秦隴華成諸郡所在近水地亦有之苗長尺許叢生直上一根只一幹無花葉狀似鳬茈苗及粽心草寸節中空又似麻黃莖而稍粗凌冬不凋四月采之莖幹糙澁治木骨者以之磋擦

叅曰木以金為賊金淫則木鬱矣木賊草獨幹寸節具積龕以成升中虛凌冬合兩明而作離升木南征

之象也蓋火為木子刑所勝之金復母所不勝之讐
斯木用行肝胆益根竅開目青除前陰踈月水調崩
帶止後陰洩滯利行腸風已矣至若積塊癥瘕此以
堅固歸金正所以驅木賊也然則翳膜之屬亦即堅
固之金歟

宋嘉祐

山慈姑氣味甘辛微溫有小毒主癰腫瘡瘍瘰癧結核
醋摩傅之剥人面皮去肝黯

穀曰生山中濕地唯處州遂昌縣者良冬月生苗如秋葉而稍小二月中抽一莖高尺許莖端作花有白色黃色紅色三種瓣上俱有黑點間雜衆萼攢簇成朶如絲絨紐結狀甚可愛也三月綴實子有三稜四月采根形似慈姑而小又似小蒜而毛遲則苗腐難覓矣一種葉如車前草莖幹花實則一也酉陽雜俎云花與葉不相見謂之無義草今人多以金燈花老鴉蒜根偽充之但此根無毛而光山慈姑茸毛固殼

為異也采得曝乾修治去毛殼用

叅曰山慈姑剝人面皮化人疣贅其嚴命威殺而言
慈者何然肝顏黯色癰癭痞瘰之人面目可憎厥形
原無生人理矣此以中藏憐憐乃復現諸形色山慈
姑慈憫姑恤亭毒藏陰既欲品成其形色寧惜剝化
之勞乎一名無義草爰彼無義啟我哀矜宋玉九辯
云廓落兮羈旅而無友生惆悵兮而私自憐燕翩翩
其辭歸兮蟬寂寞而無聲

宋嘉祐

胡盧巴氣味苦大溫無毒主元藏虛冷氣得附子石硫黃主腎虛冷腹脇脹滿面色青黑得懷香子桃核仁主膀胱氣甚効

覈曰胡盧巴一名腎曹都護生海南諸番今廣州黔州俱有不及舶上者佳春生苗夏結實秋采莢淘淨酒浸晒乾蒸熟炒過用

叅曰胡者斂互盧者火器巴者曲折三迴閭白水流

也言能斂互水火兩腎之元陽蓋以功力為名矣故
主元藏虛冷命門火衰不能斂互歸元者對待治之
益右腎即所以煖丹田也若腎虛冷面青鰲黑不唯
火衰更屬卒滅必協附子石硫黃陽毒並行廼克有
濟若膀胱氣上祇須懷香子桃核仁之廻互引之易
于歸納耳

具金匱濟生以為體必藉臣使之
佐以為用亦可並行亦堪獨往

宋嘉祐

海金沙氣味甘寒無毒主通利小腸得卮子馬牙硝蓬沙療傷寒熱狂或丸或散

覆曰出黔中江浙湖湘川陝皆有生山林下莖細如線引竹而上高尺許葉如園荳花細而薄面背俱青皺紋緊簇紋中有沙狀似蒲黃不作花實根細堅強沙及莖葉皆入藥用七月采其全料日中暴之小乾用紙承襯以杖擊之有沙落紙且暴且擊沙盡為度摘葉搗汁煮砂縮汞

先人云似金而體輕似沙而質滑草氣之生沙猶水
體之成水合入足少陰腎足太陽膀胱主溺沙石者
卻當

叅曰天池以納百川者海止而不盈尾閭泄之蓋言
量也金者色沙者象形似蒲黃蒲黃四布花上黃金
經久不變金沙四布葉下垂枝布葉下曲如鉤若夏
火吐英之榮極時也第草木綻萼吐英黃布花心獨
蒲布花上金沙布葉下者正所以表專精之在黃別

百花之隨顯隨滅爾宜入心之府小腸經藥也小腸者泌糟粕傳大腸泌水道輸膀胱止而不盈決瀆以為量也

庖子六出之水花對待熱惱為清涼蓬沙蓬轉如輪樞機迅捷牙硝緣水火以為性可從之以水逆之以火亦可逆之以水從之以火所謂奇之不去則偶之偶之不去反佐以取之

宋嘉祐

礞石氣味甘鹹平無毒主食積不消留滯藏府宿食癥塊久不瘥小兒食積羸瘦婦人積年食瘕攻刺心腹

麤曰出江北諸山有青白赭三色以青色堅細擊開
有白星點點者為貴修治以大坩鍋一個用礪石四
兩杵碎入消石等分拌均炭火十五斤簇定煨至消
盡星黃如麩金取出研極細水飛數過曬乾再乳萬
匝

叅曰石以量言爾雅云日入為大蒙莊周云鴻蒙元
氣相如云蔑蒙踊躍也盖水穀入胃受盛轉輸者量
也設僅受不輸致陰凝至堅及營衛陰陽血氣津沫

咸泣不流矣所謂馨飪之邪從口入者宿食也即驚
癇欬喘亦從口受經云欬嗽喘急驚又云白脈之至
也喘而浮厥癇有積氣在胸中也礞石功力發蒙府
藏之元氣使之踊躍而出誠竒方急方之中劑通劑
也

宋嘉祐

花乳石氣味酸濇平無毒主金瘡出血刮末傅之即合
仍不作膿又療婦人血運惡血

覈曰出陝州閿鄉體堅重色正黃如石硫黃色間有
淡白點一名花葉石采無時大小間出方圓錯雜大
者可以為器玉冊云陰石也代州山谷有五色者可
作丹砂匱室蜀中汶山彭縣亦有修治作釜固濟頂
火煨過埋土中過宿取研如塵水飛三五度晒乾用
叅曰花者山之英乳者山之液石者山之骨也經云
水勢劣火結為高山綠水火為因即綠水火為體用
矣英即火用液即水體用行而體至之陰因陽為用

也故主諸血為肯正體雖至而用失先之花乳先之以用佐之以體與入自中營周經隧自強不息矣

水勢劣火結為高山是故山石擎則成巖融則成水勢劣以少言非下劣也血者少陰君火之所主少陰者因陰以為體緣陽以為用是故君火以明非相火以位

宋嘉祐

附綱目粉霜

水銀粉氣味辛冷無毒主通大腸轉小兒疳痺瘰癧殺疥癬蟲及鼻上酒皰風瘡瘙癢

覈曰升煉水銀粉法分紅白兩種白者用水銀一兩

白礬二兩海鹽一兩皂礬一兩焰消二兩同研不見
星貯罐內先以滑石九兩研極細水飛過晒乾再研
更以黑鉛四兩分作數塊打成薄片一層滑石一層
鉛片鋪置藥上築極實上餘空數寸使藥氣易轉以
蓋蓋罐口先于灰火中徐煨罐底聽罐裏無聲乃紫
定之用鹽泥封固罐口先用底火一炷香次用二寸
火漸加至三寸火二炷香用火時以涼水常擦蓋內
火足去火冷定藥升蓋上及空處矣紅者祇用水銀

一兩焰消二兩白礬二兩同研極細升煉之法悉與
白同即釜盞之內亦可升取并不必水擦釜頂為甚
便也并不必沐浴以損藥力既用滑石黑鉛為匱則
鹽礬鹹濇之味俱從鉛石拔盡功力轉更神異但火
候以緩為貴取藥以少為良此法為丹家不傳之秘
頤不私自公之海內

綱目

粉霜氣味辛溫有毒主下痰涎消積滯利水

覈曰升鍊之法用真瀉粉一兩入瓦罐內以鐵蓋仰蓋罐口鹽泥封固先以小炭火鋪罐底及四圍約香炷半常用水擦蓋勿令間斷遂漸加火至罐頸約香一炷去火冷定霜即成矣

叅曰嘉祐所謂水銀粉今之所謂粉霜者是也綱目所謂粉霜今之所謂輕粉者是也第輕粉輕盈如雪膩滑如粉色純白無間不假外物昇結釜頂所謂清秋月轉霜輪也蓋龍從火得金向水求正指此耳以

頑木也龍丹之化也丹即丹砂火頑為習坎水轉作
西白金離沉重化輕盈所謂顯諸金而凝霜白也故
可入肺下痰涎消積滯利水道以除肺眚此藉輕盈
以化沈重耳近世用點姪瘡致毒入浸骨髓或骨折
筋焦肌糜膚剥死不藥救者以姪瘡從骨髓受還從
骨髓出是轉沉重為輕盈用作點餌是轉輕盈為沉
重仍從外入之內也若水銀粉者合皂白二礬石海
鹽火消而昇者嫩色黃老色白取用貴黃不貴白也

僅合白礬消石而昇者嫩色赤老色紫取用貴嫩不
貴老也顧所升之質即本有能升之頑所顯之色與
味之醇烈即緣鹽礬消石合化以成黃白紫赤耳故
味醇則氣清而色黃赤味烈則氣濁而色紫白黃赤
點餌咸宜紫白必藉退却陰符為沐浴不若鉛關寒
水為匱之純粹精也所謂鴻洞未分之氣顯諸土而
峭粉黃顯諸火而還丹赤從水覓金金從水得也故
通肺府之大腸殺肺形皮毛之瘡疥癬蟲及肩項肺

部之瘰癧鼻根肺竅之酒皸風瘡瘙癢也近世以味醇黃嫩者點瘡毒頑肉赤嫩者彌諸瘡毒膚皮提如影響亦可餌服淨潔姪瘡取効固速第骨髓與形藏之至毒從經氣會歸于胃循胃上口而出多致口爛舌斷人多畏之罔敢輕試蓋毒從口出已達空竅而反口舌斷爛者謂人臥氣歸于藏而會于胃胃氣上熏毒不得洩故併發口舌耳丹家秘訣卧時啣管則毒氣從管外洩斯無糜爛之為患矣

宋嘉祐

婦人月水氣味鹹平無毒主解毒箭并女勞復

數曰月水素問謂之月經又謂之天癸丹家謂之月信又謂之紅鉛采取合法成服食上丹否則非徒無益而又害之矣女子二七月事始以時下而有子經行三日時日不移者為經為常或先或後或通或塞者為病為變三月一行者謂之居經一年一行者謂之避年一生不行而孕者謂之暗經受孕仍以時下

者謂之盛胎受孕數月經忽大下者謂之漏胎每月數至或至無休息或大下崩決者謂之病經十二而孕六十尤乳者謂之變生皆非嘉品采取上藥須擇首經一法即收經水綿帛或紙用童溺漂洗即落烏梅煮汁點之鉛即澄淀于底泌去黃水淡灰裏乾此屬下乘一法用黑鉛作偃月橐籥經至繫之滿則傾置盤內以上乘秋石少篩經水之上即作薄衣浮結于上輕輕取起隨篩隨結以盡為度此屬中乘其最

上乘者俟女子二七天癸將至眉心先有紅氣光艷奪目丹家所謂上應星下應潮者是也其法亦用偃月橐籥先以頭生男乳晒取成粉輕抹橐籥之內次篩上乘秋石于乳粉之上經至則繫之經下遂結藥于橐籥之內矣傾去黃水隨篩隨繫以竟為度首經者中結枚子或一或二或三次行者僅有散砂即無枚子采得枚子先煉五炁上丹製一金丸徑大九分九分兩開中作子口上下俱實五炁上丹子口處須

令均平次以極圓青豆置于金丸之中上下合成則
中有圓竅即藏枚子于丹竅之內以蜂蠟封固子半
之後午半之前護繫童女臍上午半之後子半之前
護繫童男臍上滿四十九日枚子遂長滿其竅用時
如法服食不則仍如前法護繫此得之異授不敢自
私用公海內


先人云瀕湖未見神奇徒自妄詆若得童女首經內
含至藥如不可得即未經殘破女子者亦堪服食以

天癸為生身之基兩精相搏便生一人亦奇異矣一
法用紅鉛三兩先以陽起石四兩乳細置銀釜之底
次置紅鉛于陽起之上封固溫養七日後丹生其中
色如桃花僅得百釐每用一釐重綿裹護子寅二時
納左鼻孔行數百息即隨息入腦盡此百釐為反老
還童長生不死之至寶也欲識神異以死人脛骨鏤
一小孔置數釐于孔內仍埋土中過宿至明起視枯
骨如生或置分許于磁盤內覆磁盃于丹上水和麥

麴封固其口四圍緩火炙之麥麴焦黑俟冷開視其
丹盡滲盃內擊碎其砭都成丹色仍以盃砭乳細入
釜溫養丹復提出毫末不減此亦異術也

叅曰服食家擇處子相好端潔生辰在仲秋者稟太
陰金水之一炁作鼎甚良俟其蒸變已足黃道已歸
上應星下應潮天癸至任脉通太衝脉盛月事以時
下矣丹訣云三十時中兩日半二十八九君當算落
紅滿地是佳期金水過時空涸亂故必三緣會合采

取合宜時中月望乃結枚子如芥粒不假人力為也
更鍊龍虎兩絃退却陰符進添陽火俟七七先生食
之接延壽命即女子未經破殘或生辰在四季餘月
者如法采取亦可却病豈小補云乎哉近所尚者先
天一炁已失僅取糟粕剩餘不唯無補于形神反致
燎炎其焦府既失授受之源亦且擇非其鼎宜乎見
者聞者棄之勿顧



本草乘雅半偈卷九